


NJILA IBIDI



DISUNGULA DIA NJILA

Hatudi tubanga luendu bua kuya ku luendu, ku muaba utudi katuyi banji kuya (bamanya), tudi tukonka njila wa kulonda diambedi. Hashishe tudi tubanga luendu, ne mesu onso munzulula. Hatudi tumona ne tudi batupakana njila, tudi tupingana bua kukeba njila mulenga (mulelela).

Matuku onso a moyo wetu pa buloba, tudi tuende mu njila wa tshiendelele batangila ku muaba udi kawuyi ne nshikidilu, udi kawuyi mua kushintuluka patuafukaku. Udi mumanya kuyaya anyi?

MULOMBODI WETU

Nzambi, bua luse luende udi mutupa mulombodi; m’Mukanda wa Nzambi; udi utuleja biakana njila wa mu diulu. Nvese (bikoso) yonso idi mitedibua mu mabeji aa m’mifunda mu mukanda eu. “Diyi diebe didi muendu ku makasa anyi, ne munya mutema mu njila wanyi.” (Misambu 119:105).

NJILA MUNENE

Bantu ba bungi badi balonda njila ewu “Mushiku wa mbelu udi munene, ne njila wa kabutu udi munene, ne bantu ba bungi badi babuelamu.” (Matayo 7:13).

Bantu ba bungi badi baya mu njila ewu mesu abo m'mabuikila. Kabena bamanya ne badi benda mu njila udi ubafikisha ku kabutu (lufu), anyi Kabena kabela menji ne kudi bualu. "Njila udiku mululame ku mesu kua bantu, nshikidilu wende udi lufu." (Nsumuinu 14:12). "Bakafofomesha mesu a menji a badi kabayi bitabuja kudi nzambi wa tshikondo etshi..." (2 Kolinto 4:4).

MAJITU

Bantu badi bende mu nuila munene, badi ne mibi ya bungi. "Bualu bua bonso (bakapanga) bakenza malu mabi, ne badi bapanga kupeta butumbi kudi Nzambi." (Lomo 3:23). Katuena bamanya mua kusokoka bubi buetu nansha kakese ku mesu kua Nzambi. "Bantu badi batangila anu mubidi, kadi Yepowa udi utangila mu mutshima." (1 Samuele 16:7). Majitu adi masuika panyima pabo. Kabena bamanya mua kudipatula mu bubi ku bukole buabo. Bujitu budi bubanemenena ne budi bubapistshishila diba bualu bua "Difutu dia bubi ndufu." (Lomo 6:23).

MUHENYA WA NVULA

Muhenya wa nvula udi muzola mu tshindi dimbi etshi udi uleja tshilumbuluidi tshia Nzambi. "Bualu bua bubi budi busunguila bantu bua kufuabo musangu umue, ne kunyima kua bualu ebu kulumbulula kudiku." (Hebelu 9:27). "Ngakatangila nkuasa wa butumbi munene mutuke, ne uvua usombapu.... Ne ngakamona bafue banene ne bakese bimana kumpala kua nkuasa wa butumbi; ne mikanda yakabuluibua, ne mukanda mukuabo wakabuluibua kabidi, udi wa muoyo. Ne bakalumbuluisha bafue ku malu avua mafunda mu mukanda ewu, bu muvua bienzedi biabo." (Buak. 20:11,12). "Bikala muntu kai musangadibue mu mukanda wa muoyo, wakedibue mu dijiba dia kapia." (Buak. 20:15).

KAPIA

Nzambi udi muakane newa Tshijila. Ke bua tshinyi bubi bonso budi ne bua kuikala bunyokibue. Diyi dia Nzambi didi dituambila ne kudi Ngena, mu muaba wa dikenga dia tshiendelelel dilongoluela bonso badi kabayi batumikila diyi dia Nzambi. Mukanda wa Nzambi udi wamba ne "Budi bantu babi nabu mbua kualukila mu muaba wa bafue; bonso mene ba mu bisamba bia bantu badi bapua Nzambi muoyo ne benze nunku. (Misambu 9:17).

Nunku kabiena bilenga bua kuikala muntu mutamba bubi bua kuya mu muabae wu – udi kabidi mulongoluela bonso badi balengulula Nzambi. Kadi Nzambi udi kabidi Nzambi wa dinanga "kena musue umue wenu ajimine, kadi udi musue bonso balae kukudimuna mitshima yabo. (2 Petelo 3:9). Mu ngasa wende ne mu luse luende bidi kabiyi mpuiilu wakatulongoluela njila bua kutuepula bua kubuela mu ngena, njila ewu udi bua bonso badi basue kuendamu. Udi musue kupeta njila wa moyo anyi?

NJILA WA MOYO — MUSUNGIDI

Bu mutudi katuyi mua kudisungila nkeyetu ku mibi yetu ne manyoka ayo, Nzambi Tatu wakatulongoluela lupandu: wakatuma "Watuma muanende umuepele pa buloba, Mukelenge wetu Yezu Kilisto." (Yone 3:16). Mupandishi wetu, wakasomba munkatshi mua bantu bu muntu, kadi kakenza bubi. Wakadi uya ku muaba ne muaba, wenza malu mimpe, ondapa babedi, ujikija

badi ne nsudi, wipata Nyuma mibi munda mua bantu, ujimijila bavua bakudimuna mitshima mibi yabo, ulongesha bantun ne wambila bantu Lumu Luimpe lua bukelenge bua Nzambi.

Kipatshila kende kavua ka kufua bu mulambubwa bonso. Wakafila moyo wende wa bu Nzambi ne muakane, kupuekesha mashi ende a mushinga mukole pa mutshi mutshiamakana bua kutujimijila mibi yetu. Wakadifila mu bianza bia bamushipi, bua kumukesngeshabo bikole, kumutapa mputa panyima ponso. Bakamuasa tshifulu tshia meba ku mutu, bakamutubula bianza ne makasa bua kumupopela pa mutshi mutshiamakane. Wakafua buebe ne buanyi. (1 Petelo 2:24).

DIBIKA DIENDE KU LUFU

Kunyima kua mumana kulala matuku asatu mu lukita, Yezu Kilisto wakabika ku bafue. Wakenda ne wakayukila ne balongi bende matuku makumi anayi, pashishe wakabanda mu diulu, mudiye usomba ku tshianza tshia baluma tshia Nzambi. Udi Musungidi udi ne muoyo, wakapabo bukokeshi bonso mu diulu ne pabuloba. (Matayo 28:18). "Nunku yeye udi ne bukole bua kusungila ne lupandu lujima badi basemena pa buipi ne Nzambi bua bualu buende, yeye muikala ne moyo tshiendele bualu bua kubakuila." (Eebelu 7:25).

DIULU

Diulu didi muaba udi Nzambi usomba ne butumbi buende bonso. Mukelenge Yezu wakamba ne: "Ne nye kunulongoluela muaba. Binaya, ne binanulongoluela muaba, ne mpingana kabidi, ne nuangata bua kundi ngikala meme muine, Nuenu nuikalako kabidi." (Yone 14:2,3).

Udi muaba mulengele udi Nzambi ukupula binsonji bionso ku mesu abo, ne lufu kaluena luikalako kabidi, madilu kaena ikalako kabidi, nansha muadi, nansha kanyinganyinga kabidi, malu adiambedi akumuka. (Buakabuluibua 21:4). "Kakuena kuikala butuku kabidi... bualu bua Mukelenge Nzambi neabatemene." (Buakabuluibua 22:5).

Udi muaba wa tshijila mudi kamuyi mubuela bintu bibi bionso, ne bantu badi benza malu mabi, anyi bena mashimi. Ne babuelamu anu kudi badi ne mena abo mafunda mu mukanda wa Muoyo wa muana wa **MUKOKO** wa Nzambi.

Kudianu njila umue bua kufika mu diulu. Mukelenge Yezu wakamba ne: "Kakuena muntu udi mua kuya kudi Tatu kayi muanji kulua kundi diambedi." (Yone 14:6). "Mu munga muntu yonso kamuena lupandu, bualu bua kakuena dinga dina panshi pa diulu dipa bantu didi dimanya mua kubasungila." (Bienzedi 4:12).

MUNYI MUTUDI MUA KUENDE MU NJILA WA MU DIULU?

1. Kukudimuna mitshima yenu, kuitabija Lumu luimpe. (Mako 1:15).
2. **Kulua kudi Nzambi** mu mitendelelu bu mûdi ne dishintuluka diebe dia ku mibi, ne kumulomba bua akufuila luse. Wakamba ne "tshiena ngipata walua kundi yonso." (Yone 6:37). Luayi kundi bonso badi ne mudimu mukole, badi ne Bujitu Bunene, meme ne ndupe dikisha. (Matayo 11:28).
3. **Kuayemena Killisto nkayenda bua lupandu luebe:** "Mashi a Yezu Kilisto muan'ende adi atutokesha ku mibi yetu. (1 Yone 1:7).
4. **Neakupya moyo mupla-mupla... Muoyo wa tshiendelele.** Kilisto wakamba

ne “Yonso unvua diyi dianyi, witabuja wakuntuma, neikala ne muoyo wa tshiendelele, kena ulue ku tshilumbu, kadi wakumuka ku tshilumbu wakulua mu muoyo” (Yone 5:24) ne “Bikala muntu mu Kilisto yeye udi Mufukibua mupia-mupia. Malu makulukulu akuya monayi akulua mapia-mapia.” (2 Kolinto 5:17).

5. Newikala ne ditalala ne dijadika. “Nunku bualu bua tuakabingishibua ku ditabuja, tuikala ne ditalala ne Nzambi bua Mukelenge wetu Yezu Kilisto.” (Lomo 5:1).

Ne ebu mbumanyishi ne, Nzambi wakatupa muoyo wa tshiendelele, ne muoyo ewu udi munda mua muana wende. Udi ne muana udi ne muoyo; udi kayi ne muana wa Nzambi kena ne muoyo wa tshiendelele. Nakanufundila malu bua nuenu numanye ne, tudi ne muoyo wa tshiendelele, kunudi nenu badi bitabuja dina dia Muana wa Nzambi kena ne muoyo wa tshiendelele. Nakanufundila malu bua nuenu numanye ne, tudi ne muoyo wa tshiendelele, kunudi nenu badi bitabuja dina dia Muana wa Nzambi. (1 Yone 5:11-13).

MUNYI MUTUDI MUA KUIKALA MU MUOYO MUPIA-MUPIA

1. Kubala Mukanda wa Nzambi dituku dionso bualu bua udi munya mu njila wetu ne bidia bia misuka yetu. “Bu bana balela mpindieu, nujinga mabela a menji, adi kaayi ne kudinga, bua nuenu nudiundeku too ne ku Lupandu. Pawudi ubala diyi dia Nzambi umulomba akulombola, neakuyishe ne Nyuma wende.

2. Usemene pabulpi ne Nzambi mu mitendelele ya dituku dionso kulomba mu dina dia Yezu. “Lekelayi kuditatshisha ku bualu bumue, kadi mu malu onso ku ditendelele ne ku disengelele numanyisha Nzambi bua milombo yenu ne disakidila? Ne ditalala dia Nzambi didi ditamba dijingululā dionso dia bantu, ne dilama mitshima yenu ne menji enu mu Kilisto-Yezu. (Filipoyi 4:6-7).

3. Uyukidila bakuabo bua Kilisto. “Uye biebe kuebe kudi balunda bebe, ubamanyisha malu makana akakuenzela Nzambi.” (Mako 5:19).

4. Haudi muteshibua, ulomba Nzambi. “Bualu bua yeye Nkayende wakakenga hakateyibuaye, yeye udi mumanya mua kukuatshisha badi bateyibua.” (Ebelu 2:18).

5. Hawapona mu mateyi, utonda lukasa kudi Nzambi. “Hatuatonda mibi yetu, yeye udi wakueyemenyibua ne udi ne buakana bua kubuikidila mibi yetu, ne bua kutulengeja ku malu mabi onso. (1 Yone 1:9).

6. Utete bua kudisangisha ne bena Kilisto bakuabo. “Etshi m’mukenji wanyi, nunangangana bu munakunananga.” (Yone 15:2).

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à: EMAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)